

درس‌داده یکی پوسته‌خانه قارشوسند.
دائرة مخصوصه در محل اراره:

مُشَاطِقَتُ

انظار:

مسلكمزه موافق آثار جديده مع المنونيه قيرل اولنور
درج ايديلين آثار اعاده اولنور

دين، فلسفه، ادبيات، حقوق و علوم دن باحث هفته‌لق رساله در

مؤسسلری: ابوالعلا زين العابدين - ح. اشرفى اديب

تاريخ تأسيسی:

۱۱ تموز ۳۲۴

درس‌داده نسخه‌سی ۵۰ پاره در

قيريله دن مقوا بورو ايله كوندريليرسه سنوی
۲۰ غروش فضله آلنير.

درس‌داده پوسته ايله كوندريليرسه ولايات بدلی اخذ اولنور.

سنه‌لکی الحق ایللی

۳۵ ۶۵

۵۰ ۹۰

۵۵ ۱۰۰ غروشدر.

درس‌داده

ولاياتده

ممالک اجنبیه‌ده

عدد: ۷

۳۲۶ رمضان ۱۲ پنجشنبه ایلول ۲۵ ۳۲۴

برنجی سنه

ظاهر آدخی هیچ بر فردك مداخله امورہ اقتداری اولیہ جنی جہتلہ
حق جل و علا حضرتلرینك تدبیر و تصرفده تفرد سبحانسی اوزمان
تماماً آشکار اولہ جقدر. دنیاہدہ ایسہ - ولو ظاہری اولسون - تدبیر
و تصرف قولردن ده صادر اولمقدہدر. (لن الملك اليوم لله الواحد القهار)
نظم جلیلی ده بو حقیقی مشعردر .

مناسرتلی اسماعیل مہی

نجايب قرآنیہ

آیت - ۱۸۸

« ولاتأكلوا اموالكم بينكم بالباطل - الآية »

اره كزده ماللریكزی [قار، سرقت، غصب، نهب، ودیعه و امانتہ
خیانت كبی صورتلر ایله] بغير حق یمهك [مباح و مشروع اولمیان
وجه ایله بری بریكزك مالی اخذ ایتیمك] و [حقسز اولدیغكزی] بیلوب
طورركن [بالمحاكه] ناسك اموالندن بر قسمی [شهادت زور و عین
كاذب كبی موجب] اثم [اولور شیلر] ایله یمك ایچون ماللریكزی
حاكرك [حكمنه] دوشوریمك [بعضیلری : « وتدلوا بها » قول
كریمنی بعض اموالی رشوت طریقله حكام سونه و یریمك صورتندہ
تفسیر ایلشدر - كشاف] .

روایت اولندی کی عبد ان الحضرمی ، امرؤ القیس الکندیدی بر
قطعه ارض ادعا ایتدی و پیئدسی اولدیغندن رسول اکرم صلی الله
علیه وسلم افندمن امرؤ القیسه یمین تکلیف ایلدی . امرؤ القیس
یمینه مهیا بولندی صروده رسول اکرم افندمن « ان الذین یشترون
بمهاد الله - الآية » نظم جلیلی قرائت بیورمسيله امرؤ القیس یمیندن
نکول ایتدی . صاحب رسالت افندمنده ارض مدعا بهایی عبدانه تسلیم
ایتدی . بونك اوزرینه بو آیت کریمه شرف نزول ایلدی . شوده
روایت ایلدی کی ایکی کیمسه حضور نبویده مرافعه اولدیله رسول
اکرم افندمن آنلره دیدی کی بنده سزك کبی انجق برانسانم . سزیم
یانمده مرافعه اولیورسکز . اوله بیاورکه ایکیکزدن بریکز سرد ایلدیکی
دلیل و حجتہ او برندن ده عارف و متبصر اولمغه بنده اندن استماع
ایلدیکمه کوره انك لهنه حکم ایدرم . شاید بنا کا قرنداشتك حقندہ
برشی ایله حکم ایدرسدم بنم ظاهر حاله موافق اولمرق وقوع بولان
حکم و قضامه مغرور اولوبده صاقین اندن برشی المسون ، زیر اظاهر
شریعتہ کوره انك لهنه حکم ایدم جکم شی قرنداشتك حق ایسہ او آتشدن
برپارچهدر ، بنم حکم ایله حرام اکا حلال اولمازه . او کیمسدر بونصح
حقیقت نمای محمدیدن متأثر اولوب بکا ایتدیله و هربری بنم حقم محب
ویارمک اولسون دیدی . بونك اوزرینه نجی مجتبی علیه افضل التحایا
افندمن : هایدی کیدك ، ایشك طوغریسنی قصد ایدك و صکره بری
بریکزدن استمالل حقوق ایلک بیوردی - ابوالسود .

قاضی شرح رحمة الله حضرتلری حقسز ظن ایلدیکی محکوم ایه
دیر ایدی کی ایشته بن سنك ایهکه حکم ایدورم ، بن ایسہ سنی حقسز
ظن ایلورم ، لکن نزدنده اقامه اولنان پینه موجبجه حکم ایتمامک
وسعم داخلنده دکدر . مع مافیہ بنم حکم حرامی سکا حلال ایتمز -
تفسیر خازن . برکت زاده : اسماعیل مہی

صفحات حیاتدن

انسان

« اختلاف مطالع سببیه کره اوزرندہ
اذانسز زمان یوقدر . »

زمان کچمز که یوز بیگلرجه قلبك وجد سکرانی
زمیندن یو کسلوب ، کوکلرده وحدتزار یزدانی
آرارکن ، دهشت آکین ایتسون بر صیحه وجدانی .
نه لاهوتی صدا « الله اکبر ! » صار صیورجانی ..
بو برکلبانك حقدر ، چوقیدر ایکلتسه اکوانی ؟

بولاهوتی صدا چیقدهجه جوشا جوش اولوب یردن ،
اینر اسرار قدرت کبریا طوريله کوکلردن .
بتون آهنگ خلقت یاد ایدرکن حق از بردن ،
وجاهی فیض آلیر آرتق اونور النور از هردن :
هویدا شیدی جاناندر سحر دن ، شام اسمر دن !

سحر وقتنده موجودات نوشین خواب ایچنده یکن ،
بوروحانی نوا آفاقی موجا موج ایدوب بردن ،
کلیرانفاس صبح آسا ، اولور وجدانه وجد افکن .
نمایان سو بسوظلت ، فقط بر ظلمت روشن !
سما بیدار ، هر بیلدیز جال الله برروزن !

معیشت قید جانفرسانك محکوم بیزاری
اولان بیچاره رکوندوز بو یاد مرحتکاری
طویار سرمست اولور کورمش قدر فردای دیداری !
اونشویه ، یورولمق شویله طورسون ، اک آغیر باری
سوروکلر کورمه دن ، کوسترمه دن ییلفینلق آثاری .

کونش مغرب کزین اولمش ، سما اسمر ، افق کلکون ،
زمان طورغون ، زمین مغبر ، جهان دمبسته ، جان محزون
غریبک رونمایریر ، سکونت دمبدم افزون ..
باقارسک برده کلبانك الهیدن طولوب کردون ،
اوتنهایی سوداوی اولور الله ایله مسکون !

اینوب وقتا که لیلک دست استیلاسی غریبه ،
سرر دنیا به ظلمندن عدم شکلنده بر سایه ،
نظر مدهوش و مستغرق کیدرکن زیر وبالایه ،
دونر ، « الله اکبر » جوشی یوکسلدجه مولایه ،
او مظلم سینۀ خلقت تجلیزار سینایه !